

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Q. 2. Debent-ne Adulti furiosi qut amentes baptizari?

urn:nbn:de:hbz:466:1-40834

C A P U T V.

*De his qui possunt baptizari, & de
dispositionibus ad Baptismum
requisitis.*

Quæst. 1. **Q**UIBUS NAM conferri potest
Sacramentum Baptismi?

Resp. Certum est, quemlibet hominem dum
vivit esse subjectum capacem Sacramenti Bap-
tismi, juxta illud Domini, qui dixit Apostolis
Matth. 28. suis, *Euntes docete omnes gentes, baptizantes
eos in nomine Patris, &c.*

Hoc autem probat Innocentius III. relatus
Cap. Majores. in Canone, exemplo circumcisionis: *Cum cir-*
De Baptis- *cumcisio, inquit, tam adultis quam parvulis*
mo. *ex præcepto Domini conferretur; ne Baptis-*
mus qui successit loco ipsius, & generalior tam-
enam existit, cum tam viri quam femina bap-
tizentur, minoris videatur effectus, tam
adultis quam parvulis est conferendus; sicut
enim sine distinctione qualibet Mosaïca lex
clamabat: Anima cuius præputii caro circum-
cisa non fuerit, peribit de populo suo; ita
nunc indistinctè vox intonat Evangelica:
Nisi quis renatus fuerit ex aqua & Spiritu
sancto, non intrabit in regnum Dei.

Quæst. 2. Debent-ne Adulti furiosi aut
amentes baptizari?

Resp. Dicendum, inquit Divus Thomas,
quod circa amentes & furiosos est distinguen-
dum. Quidam enim sunt à nativitate tales,
nulla habentes dilucida intervalla, in quibus
etiam nullus usus rationis apparet; & de ta-
libus, quantum ad Baptismi susceptionem
videtur esse idem judicium ac de pueris qui

D. Th. 3. p.
q. 68. art. 11.
in corp.

De Sacram. Baptismi. Cap. V. 79

baptizantur in fide Ecclesie, ut supradictum est. Alii vero sunt amentes, qui ex sana mente quam habuerunt prius, in amentiam inciderunt; & tales sunt judicandi secundum voluntatem quam habuerunt, dum sana mentis existent: & ideo si tunc apparuit in eis voluntas suscipiendi Baptismum, debet eis exhiberi in furia & in amentia constitutis, etiamsi tunc actu contradicant. Alioquin si nulla voluntas suscipiendi Baptismum in eis apparuit dum sana mentis essent, non sunt baptizandi. Quidam vero sunt, qui etsi a nativitate fuerint furiosi, vel amentes, habent tamen aliqua lucida intervalla, in quibus recta ratione uti possunt; unde si tunc baptizari voluerint, baptizari possunt etiam in amentia constituti, & debet eis tunc Sacramentum conferri, si periculum timeatur; alioquin melius est ut tempus expectetur, in quo sint sana mentis, ad hoc quod devotius suscipiant Sacramentum. Si autem tempore lucidi intervalli non appareat in eis voluntas suscipiendi Baptismum, baptizari non debent in amentia constituti. Quidam vero sunt qui etsi non omnino sana mentis existant, in tantum tamen ratione utuntur, quod possunt de sua salute cogitare & intelligere Sacramentum virtutem: & de talibus idem est judicium, sicut de his qui sana mentis existunt, qui baptizantur volentes, non autem inviti.

Quast. 3. Quid agendum est in Baptismo monstrorum?

Resp. Magna prorsus adhibenda est cautio: Si quando præterea, inquit sanctus Carolus, D. Carol. A. & monstrum humanum Baptismo offertur, vi- p. 4. Que Pa- pendum est ante quam baptizetur, an una rochus in Bap- persona sit, an vero due: tum masculus ne sit, tismi ministra- an fœmina. Sique re perspecta, dubium est veritas.

D. iiii